



Մանկապատանեկան սպորտի զարգացման և բակերի համալիր բարեկարգման ծրագրի շրջանակներում Բյուրեղավանի 27, 28 շենքերի բակում տեղադրվել են պարզ տիպի մարզասարքեր: Բյուրեղավանը լինելով սպորտային ակտիվ կյանքով ապրող քաղաք՝ չէր կարող գերծ մնալ այս ծրագրից: Դրանում իր մեծ ներդրումն ունի համայնքի ղեկավար Հակոբ Բալասյանը: Մարզագույքը ձեռք բերելու համար համայնքապետարանի բյուջեից ծախսվել է 980 հազար դրամ: Սա նպատակ ունի բնակչության, մասնավորապես նախադպրոցական և դպրոցական երեխաների շրջանում ֆիզիկական կուլտուրայի և սպորտի քարոզում, առողջ ապրելակերպի ձևավորում: Խաղահրապարակը հնարավորություն է տալիս բարեկարգ պայմաններում կազմակերպել ու անցկացնել սպորտային միջոցառումներ: Դա հիմնալի նվեր է ինչպես քաղաքի սպորտասեր բնակիչների, այնպես էլ երեխաների համար՝ զբաղվելու սպորտով, կոփվելու ու սիրելի բակային խաղերը խաղալու:

27.03.18